


# 3

## HÁRJEHUS \ VUORTNUHEAPMI



### ČILGEHUS:

1. Oahpaheaddji oahpásmahtta fáttá
2. Oahpaheaddji juohká teavstta ja bargobihtáid mas leat dáhpáhusat.
3. Oahppit barget guovttis ja guovttis dahje unna jovkkožiin ja árvoštallat lea go dat mii dáhpáhuva, *dohkálaš, dohkemeahttun vai lobiheapme*. Oahpaheaddji mihtida hárjehusaiggi ja go áigi dievva, de celket oahppit “duomu”.
4. Oahpaheaddji jođiha ságastallama maŋŋágo oahppit leat cealkán duomu, ja addá fasihta

### DÁHPÁHUS 1

Biera lea njunušvaláštalli paralympics suorggis. Dál lea son gilvališgoahtán vuodjamis, ja aviissat leat beroštišgoahtán su olahusain. Son oidno maŋŋga ovdasiiddus, ja artihkkalat juogaduvvojit sosiála mediain. Kommeantasajiin leat issoras ollu posiitiiva kommeanttat, maid lea hui hávski lohkat. Muhto ihtet maiddái dakkár vaššás kommeanttat go: “«Gii gille čállit dakkár ášši birra? Fihce! Gii gille geahččat lámisolvmuidd stunžemin vuojadanáldásis?»”

### DÁHPÁHUS 2

Jonas vásiha ahte ollugat luohká bártnein čurvot dakkár sániid go “homo” ja “gay” su maŋŋái go son vázzá meattá. Čielggas lea ahte sii geavahit daid cielossátnin. Son unohastá dan, ja son lea ballagoahtán skuvlii mannamis.

### DÁHPÁHUS 3

Kari bargá industriijamekanikkárin stuorra fitnodagas. Muhtun beaivi lea Kari bargamin kránain, ja muhtun kunddar, Tom, boahtá su maŋábealde ja coggá gieđaidis su báiddi vuollái čielggi bealde. Kari hirmástuvvá sakka, ja guođđá dilálašvuoda dajakeahhtá maidege. Maŋŋá lea Kari mannamin olggos bosihanlanjas, ja Tom bisseha su ja geige gieđa ja dahkaluddá ahte son áigu su dollet háhcegegaskii. Kari suhtá ja dáhttu Tom “mannat helvehii.”

### DÁHPÁHUS 4

Biret lea revyfeasttas iežas nieidaskihpáriiguin. Dánsunláhtti lea bahkka, ja ollu nordašuvvan ovddos maŋás Johanne dánsungierddus. Fáhkkestaga dovda gieđa njávkadeamen su čielggi. Son geahččala sirdit, muhto ii nagot jorggihit geahččat gii dat goskkaha su. Son

unohastá go vieris olmmoš lihkahallá lobiheamet su rupmaša.

### DÁHPÁHUS 5

Kristiana áhčči lea Brasilas eret, ja Kristian lea geavahan ollu áiggi portugálagiela oahpahallamii. Dan oktavuoda lea son čálligoahtá musihka portugálagillii, ja son čájeha musihkas TikTocas. Fáhkkestaga manná okta su videoin virála, ja son vásiha oazžut ollu kommeanttaid, ovttá ge mii čuodjá ná: “Mana ruovttoluotta dohko gos don boadát, ábegáhttu”. Kristian headástuvvá sakka ja háliidivččii dušše sihkkut olles konto.

### DÁHPÁHUS 6

Pia vázzá Jo1:s, muhtun duorastaga lea son okto eahketfávttas Rema1000:s. Kássa lusa boahtá bárdnejoavku geat buohkat vázzet Jo3:s. Pias lei seksa ovttain dán bártnein ovddit vahkkoloahpa, muhto ii leat háleštan suinna dan maŋŋá. Joavku birastahtá kássa mas leat dat gálvvut maid sii áigot oastit ja okta bártnein dadjalastá čuovvovaš kommeantta: “In ádde ahte gillájit su váldit, son han lea golmmeš”. Buot bártnit boagustit dan botta go Pia čáliha hattiid sin gálvvuin ja su čalmmit ganjaldisgohtet.

### DÁHPÁHUS 7

Noor hárjehallá gorespábbema alla dásis. Maŋimus jahkebeali lea veahkkehárjeheaddji sádden sutnje ollu dieđuid, ja muhtun bearjadaga bovde son su boahit iežas geahčái filmma geahččat. Son dadjá ahte sus ii leat dilli, muhto son ii vuollán ja ain joatká. Son dovda ahte váldohárjeheaddji ii váldde dan duodas, muhto jurdagat veahkkehárjeheaddji birra váikkuhit su spábbendássái bánas.

### DÁHPÁHUS 8

Abdi vázzá restauránta- ja biebmofága, ja lea fidnooahppin muhtun báikkálaš restauránttas. Álggus orru su hoavda dušše leamen movttegis ja buorre mielalaš nisu, muhto dál lea son váldigoahtán oktavuoda sutnje astoáiggis. Dat sádde suinna snáppaid, ja lea kommentegoahtán su neaktima, maiddái go soai leaba barggus ovttas. Abdi dušše boagusta das iežas ustibiidda, muhto muhtun beaivi go son lea barggus, de dat boahtá sisa hivssegi gos son lea. Dadjá ahte son háliida dušše oktoáiggi suinna. Abdi mielas lea dilálašvuoha sihke eartnjehas ja unohas.